



EH Bildu talde politikoa
Grupo político EH Bildu



Grupo político Irabazi Donostia
Irabazi Donostia talde politikoa

Donostia, 2016ko maiatzaren 6a

IDAZKARITZA NAGUSIARI

Irabazi Donostia taldearen bozeramaile Amaia Martin Garinek eta EH Bildu taldearen bozeramaile Amaia Almirallek, Udaltzaren Araudi Organikoaren 98. Artikulua oinarri, MOZIO ARRUNT hau aurkeztu nahi dute, Euskal Aurrezki Kutxak likidatuak izan ez daitezen beharrezkoak diren neurriak hartzea dela eta, Udaltzaren osoko bilkuran azter dadin.

JUSTIFIKAZIOA

Hainbat eragile sozial eta sindikatuk agiri bat sartu zuten udaletxeko erregistroan 2016-04-18an. Agiri horretan, Donostiako Udalarari eskatzen diote beharrezkoak diren neurriak har ditzala euskal aurrezki kutxak betiko likidatuak ez izateko eta Kutxabankek esku pribatuetan ez amaitzeko.

Era berean, adierazten dute alternatiba bideragarriak proposatu dituztela, eta exijitu dutela haiiek ordezkatzeko duten gehiengo sozial eta sindikala aintzat hartzea gure herriari funtsezko tresna baten gaineko kontrol publiko eta soziala kenduko dioten erabaki atzeraezinak hartu baino lehenago; funtsezkoa, enpresa txiki eta ertainentzako eta pertsonentzako kreditua errazteko, Europako beste herrialde batzuetan bezala.

Erregistroan sartutako agirian aipatzen dituzten helburuak dira gaur egun banku-fundazioen eskuetan dauden Kutxabankek akzioen salmenta gauzatzea ekiditea eta euskal aurrezki kutxek beren izateko arrazoia betetzea eta beren izaera publiko eta sozialari eustea ahalbidetuko duen euskal sistema finantzarioa edukitzea.

Donostiako Aurrezki Kutxaren fundatzaile gisa Kutxa Fundazioaren kide den Donostiako Udalak ezin du beste alde batera begiratu eta inplikatu egin behar da hark berak 1879an sortu zuen eta 1990ean, Kutxa izango zena sortzeko, Gipuzkoako Aurrezki Kutxarekin elkartu zen finantza-erakundearen izaera publikoari eta sozialari eusteko ahaleginean.

Horiek guztiak horrela, eta Irabazi Donostia taldeak eta EH Bildu taldeak erregistroan sartutako agirian adierazitako helburuak partekatzen ditugunez, hau da gure

MOZIO ARRUNTA

1. Donostiako Udalak, 1990ean Kutxan integratu zen Donostiako Aurrezki Kutxaren fundatzaile gisa, Eusko Jaurlaritzari eskatzen dio bazter dezala Kutxen lege-proiektua, EAeko arau esparruan euskal aurrezki kutxen –Donostiako Aurrezki Kutxak eta Gipuzkoako Aurrezki Kutxak osatzen duten Kutxa barne– likidazio egiaztatzea besterik ez dena.
2. Donostiako Udalak, Kutxa Fundazioko eta Kutxabaneko kide gisa, eta Donostiako Aurrezki Kutxako bazkide fundatzaile gisa, konpromisoa hartzen du beharrezkoak diren ekimen politikoak bideratzeko banku-fundazioei emandako Kutxabanken akzioen jabetza berreskuratzea sustatzeko.
3. Donostiako Udalak, Kutxa Fundazioko eta Kutxabaneko kide gisa, konpromisoa hartzen du euskal kutxen/Kutxabanken, eta beraz, Donostiako Aurrezki Kutxak eta Gipuzkoako Aurrezki Kutxak osatzen duten Kutxaren likidazio- eta pribatizazio-prozesua atzera itzultzea xede izango duten ekimen politikoak eta instituzionalak bultzatzeko eta babesteko.
4. Donostiako Udalak Eusko Legebiltzarrari eskatzen dio onar dezala Kutxen Lege bat, haien izaera publikoa eta soziala hobetzea eta areagotzea xede izango duena, inongo mugarik gabe, ez baldin bada euskal herritarren eta erakundeen erabakiena, eta era horretara, saihestea Donostiako Aurrezki Kutxak eta Gipuzkoako Aurrezki Kutxak osatzen duten Kutxa desagertzea.
5. Donostiako Udalak konpromisoa hartzen du euskal enpresa ertainen eta txikien eta herritarren eskariei erantzutea ahalbidetuko duen euskal finantza-sistema eraikitzeke beharrezkoak diren ekimen politikoak eta instituzionalak bideratzeko.

Amaia Almirall Lopez de Luzuriaga
EH Bildu taldearen bozeramailea

Amaia Martin Garin
Irabazi Donostia taldearen bozeramailea